

史記志疑

史記志疑卷十九

梁玉繩

燕召公世家第四

召公奭與周同姓

附案穀梁莊三十年傳云燕周之分子也白虎通王者不臣章召公文王子論衡氣壽篇召公周公之兄書詩疏及詩禮釋文引皇甫謐曰文王庶子書君奭疏及史集解引譙周曰周之支族皇甫之說本于白虎通論衡然不可信孔穎達陸德明竝言左傳富辰數文昭十六國無燕則召公必非文王子斥士安爲謬樂記武王封商帝之後于蒯陸氏疑姬姓君漢志及水經注蓋既爲周全姓稱分子也可稱支族也可說十三誤合爲一文酈部引史篇史篇作召公名醜恐非

自陝以西召公主之自陝以東周公主之

附案此本公羊隱五年傳文白虎通封公侯章釋主陝東西云不分南北何東方被聖人化日少西方被聖人化日久故分東西使聖人主其難賢者主其易乃俱致太平也而王應麟詩地理攷曰朱氏云公羊分陝之說可疑蓋陝東地廣陝西只是關中雍州之地恐不應分得如此不均但各本史記多作陝從兩人音甲或作陝字此從兩入公羊釋文曰陝一云當作邾王城邾邾余謂作邾爲允吳氏別雅曰唐扶碑分邾之治隸釋云反陝爲邾此用字之異者案陝與陝本不相全隸書夾字多變作夾而夾字形與夾近故陝亦變從夾且又左右互易則與邾邾字無別矣然公羊釋文一作邾古洽反是分陝元有兩傳或碑本所用政爲邾邾之邾如陸氏後說則非反陝爲邾而用字不爲異矣集韻于陝字注云地名周召所分治

周公攝政當國踐祚召公疑之作君奭君奭不說周公

案踐祚之妄已辨在魯世家中而召公之不說周公本于書序列子楊朱篇漢書孫寶傳後書申屠剛傳皆有之然此語頗費解夫以召公之賢敷歷三朝與周公從事老矣尚復何嫌何疑而猶有異全之見耶且金縢明言周公告二公何以云不說哉此王莽居攝之所以附會爲周公稱王召公不說也集解引馬融書疏引鄭王皆云周公既攝王政不宜復列臣職故不說似未的孔穎達議史記爲妄亦非

召公巡行鄉邑有棠樹決獄政事其下

棠樹下決獄之說史公必有所本故漢書王吉諫昌邑亦云

召公述職當民事時舍于棠下而聽斷焉嗣後如說苑貴德篇

風俗通見首卷以及鄭箋並全然竊疑樹下非聽訟之所周初

盛規不應簡陋如是楊升菴嘗議之而韓詩外傳一謂召公不欲勞民營居出就蒸庶廬于樹下聽斷于隴畝之間尤覺矯情難信呂祖謙讀詩記引劉氏曰召伯憩息此棠樹之下說者謂召公不重煩勞百姓止舍棠下是爲墨子之道也黃氏日抄曰岷隱謂召伯行省風俗偶憩棠下非必受民訟亦非有意于不擾晦菴雪山華谷竝合余因攷白虎通巡狩章引甘棠詩云召公述職親說舍于野樹之下易林睽之第三十八云召伯避暑皆無聽訟之說史公妄耳風俗通謂召公不舍鄉亭尤非

召公卒

案召公諡康此失書索隱謂其後召虎爲康公誤

惠侯卒子釐侯立

案燕諸君之名皆莫考諡亦多全其稱侯稱公頗不足憑均

說在表中矣。而別有可疑者。世家惠侯至襄公。以子繼父。桓公至文公。中間惟載懿公卒。子惠公立。其餘俱不著。何君之子。乃集解徐廣引古史攷曰。世本自宣侯已下。不說其屬。以其難明故也。索隱引譙周曰。世本謂自宣侯已上父子相傳。桓侯已下竝不言屬。以其難明故也。兩人所引世本雖異。然祇隔一代。未甚懸殊。而史記出于世本。吾不知世家所載桓侯爲宣侯子。莊公爲桓侯子。襄公爲莊公子。以及惠公爲懿公子。奚所据耶。竊意遷史元本。自惠侯至文公。俱無子字。凡言子者。必後人妄增之。索隱云。懿公之父。是文公亦意說。今得兩確證。漢書人表所紀列國之君。皆依史記。或云某之子。或云某之弟。縱有參錯。大概無異。獨燕之諸君。以世計數。迨文公而後始注云某公子某王子。顯是史無子字之驗。不然。何以特書世而

不書子乎。又索隱于上文九世至惠侯句注云。自惠侯已下不言屬。更是史無子字之驗。不然。何以不曰桓侯已下而曰惠侯乎。蓋燕史先失。所傳者漏略譌謬。史公并不信世本。故但紀其世。慎之也。後人見世本宣侯已上有屬。遂增入世家。而復不檢對。連及桓莊襄惠四世矣。又表言惠侯在位三十八年。此缺。毛本桓侯喪公上無子字是歲周宣王初卽位。

案宣王不與燕釐公元年。其卽位在前一年。

子鄭侯立

案鄭字疑誤。說在表。

子桓侯立

案世本言桓侯徙臨易。何以不書。

子莊公立

附案亢倉子訓道篇有燕莊侯他豈莊名他歟然亢倉偽書恐不足據

十六年與宋衛共伐周惠王惠王出奔溫立惠王弟頹爲周王十七年鄭執燕仲父而內惠王于周

案此所書兩年之事當削去已說在表中蓋伐周是南燕與召公之燕無涉且衛與南燕伐周與宋亦無涉而奔溫者子頹也惠王不奔溫鄭競納王在燕莊十八年非十七年誤之中又誤焉

桓公立

附案世本無桓公說見表

武公立是歲晉滅三卻大夫

案晉滅三卻在前年當燕昭公十三年非武立之歲也

子惠公立惠公元年齊高止來奔六年惠公多寵姬公欲去諸大夫而立寵姬宋大夫共誅姬宋惠公懼奔齊四年齊高偃如晉請共伐燕入其君晉平公許與齊伐燕入惠公惠公至燕而死

案子字誤增說見前惠公當作簡公三姬字必臣之誤卽年表所稱幸臣而所以誤姬者因左傳有燕人歸齊姬事也不然寵姬何可爲大夫立寵姬又何必去諸大夫且妾之稱姬非當時語不但與左傳乖違亦與年表相背孔平仲談苑亦云遷謫以寵人作寵蓋簡公欲立之寵人多矣而宋爲居首案思云宋其故姬共誅之然左傳並無主名不知史公何据小司馬引劉氏云其父兄爲執政故諸大夫共滅之乃誤認姬字而曲爲之說

又攷齊侯如晉請伐燕是九年事齊受燕賂不克入其君是十年事齊高偃納燕伯是十五年事而此以爲四年殊謬上文已書六年何得于後倒書四年其譌無疑餘已辨在年表中

其公五年卒平公立晉公室卑六卿始彊大

杭氏疏證曰左傳晉昭公卒六卿強晉室卑弱是年爲燕其公之三年

簡公立簡公十二年卒

案簡公當作惠公十二年當作十五年說見表

獻公立晉趙鞅圍范中行於朝歌

案紀年無獻公與史異說見表圍朝歌在前二歲此書于獻公立年誤

孝公立

附案人表孝作考說在表中此下索隱所引紀年多誤不盡可憑當分別取之

伐齊敗於林營

附案敗字誤倒當作伐敗齊于林營索隱本作敗齊于林營也當一句讀湖本以伐齊爲句非林營說在表

文公立

案人表以文公爲桓公子

子燕噲立

案孟子作子噲又噲不應無證說見表

與楚三晉攻秦

案六國攻秦此仍燕策失書齊說在秦紀

鹿毛壽

附案徐廣曰一作厝毛甘陵縣本名厝索隱曰春秋後語亦作厝毛壽又韓子作潘壽通鑑注劉伯莊曰鹿毛壽人姓名又曰潘壽春秋後語作厝毛壽疑唐字誤徐廣一作厝毛如徐一作之說當作厝音秦昔翻清河有厝縣路史國名紀七曰甘陵故厝也有厝氏燕有厝壽

人之謂堯賢者以其讓天下於許由許由不受

案堯讓許由之妄說在伯夷傳

或曰禹薦益已而以眇人爲吏及老而以眇人爲不足任乎天下傳之於益已而眇與交黨攻益奪之天下謂禹名傳天下於益已而實令眇自取之

案索隱以禹薦益已爲句且云以已配益則益已是伯益而

經傳無其文未知所由。盧學士曰：索隱解非當以己而以眇人爲吏爲句。下兩已而文法一例。若以益已爲名，則攻益奪之又何單稱益也。余攷國策無已字。韓子外儲說右下篇有潘壽對燕王一節，與世家全。史公本于韓子，元不以己配益，故湖本以禹薦益作一句。凌稚隆又明著之曰：凡已而俱屬下爲句，政以糾索隱之謬爾。野客叢書云：此甚背經旨。考其說出于汲冢書。通鑑注云：事與師春紀太甲殺伊尹相類。古書雜記固多也。史公未見汲書，不得以證所出。楚辭天問云：眇代益作后，卒然離蠱。王逸注與漢書律歷志云：張壽王言本文不合。漢書律歷志云：張壽王言化益爲天子代禹，則此說不僅見于汲書，而國策韓子楚辭漢志亦非雜記。王胡二君殊未深考。晉書東哲傳稱竹書之異云：益于眇位，眇殺之。今本竹書無其事。胡應麟三墳補逸

據杜預左傳後序論竹書不及啟益以爲晉史之譌但史通引竹書云益爲后啟所誅見疑古錄而今竹書又明云夏啟二年費侯伯益出就國六年伯益薨真疑莫能定矣總之此事之妄全于舜放堯平陽太甲殺伊尹文丁殺季歷必戰國時橫議者所造而勦入之劉知幾作史通反信以爲實豈不可怪

諸將謂齊湣王曰

案史誤書齊宣王湣王之年故伐燕一事紛紜莫定荀子史記以爲湣孟子以爲宣從荀與史者古史及宋輔廣孟子問答鮑彪國策注陳善捫蝨新話也從孟子者通鑑大事記吳師道國策校注金履祥孟子集註考證及經史問答也國策于燕則宣王于齊則湣王閻氏孟子生卒年月考則欲移燕

喻五年至九年事于齊宣八年後十二年前以合孟子卽朱子于孟子序說旣竝存之而于四書或問又以爲潛王言人殊余謂當從宣王時爲信國策兩岐其詞必有一誤荀子惟王霸篇有齊潛敗燕之語孤文難徵史記錯謬甚多如上文言燕喻立齊宣王用蘇代喻三年代爲齊使于燕此本燕策元與孟子合安得以爲伐燕是潛王乃史誤減宣十年以益潛故茲述諸將之言亦襲國策而獨改宣爲潛豈非欲遷易以湊其說歟今據燕策攷之此云諸將策作儲子與孟子儲子爲齊相合策有令章子將兵伐燕一篇與孟子與匡章游合蓋孟子未嘗事潛王其仕齊去齊皆在宣王之世而齊之伐燕當周赧王元年爲齊宣二十九年乃孟子致臣而歸之歲也黃氏日抄卷三又謂宣王伐燕指前此十城之役是

大不然汪氏增訂四書大全及經始問答俱謂孟子所述確是滅燕之役若所取僅十城安得云五旬舉萬乘之國安得云取燕云倍地又安得云置君而去不可通也

因構難數月

史詮曰國策因作國

孟軻謂齊王曰今伐燕此文武之時不可失也

案斯語本燕策而誤因學紀聞引朱文公曰或問勸齊伐燕有諸史記蓋傳聞此說之誤國策吳注曰此當時所謂孟子勸齊伐燕者也使無孟子之書則人將此言之信乎推此則凡後世之誣罔聖賢而無徵者可知

子之亡

案表云君喻及太子相子之皆死紀年云齊師殺子之醢其

身則此言子之亡是史仍國策之誤

二年而燕人共立太子平是爲燕昭王

案平與昭王是二人此亦誤仍國策來說在表

郭隗曰

鮑彪國策注曰郭隗臣役之對天下之格言市馬之喻萬世之美談史公獨何爲削之亦異於孔氏刪修之法矣

劇辛自趙往

案樂毅請人往燕史本國策然有可疑者如劇辛自趙來其年當非幼少乃至後燕王喜十三年將兵伐趙爲趙將龐煖所殺計去昭王卽位時已七十年恐未必如是之壽則其來似不在此時

齊城之不下者獨唯聊莒卽墨

附案索隱云餘篇及戰國策並無聊字攷史樂毅田單傳及齊燕策並無聊也惟燕策又有三城未下之語史或因此增加以實之蓋牽合燕將守聊城不下事而與莒卽墨亂也潘論救邊篇言田單聞聊莒不然後書李通傳論注引史此文無聊字豈所見本異歟注引史云下齊七十餘城其不下者唯獨莒卽墨與今本異

齊悉復得其故城

附案李通傳注引作悉復所亡城

湣王死於莒乃立其子爲襄王

案湣王爲淖齒所殺襄王立于莒乃前五年事此敘于田單復齊後誤也

惠王七年卒

索隱曰趙系家惠文王二十八年燕相成安君公孫操弑其王樂資以爲卽惠王徐廣案年表是年燕武成王元年武成卽惠王子則惠王爲成安君弑明矣此不言者燕遠諱不告或太史公之說疎也

韓魏楚共伐燕

案楚當爲齊說在表

拔中陽

案此中人之誤也亦說在表

十三年秦取趙於長平四十餘萬

附案毛本作十二年是

子今王喜立

案今王仍舊史之文說在始皇紀索隱云有作金者非也

破卿秦樂乘於代

案燕策云趙使樂乘以五萬遇慶秦于代則樂乘趙將也故下文云趙悼襄王使樂乘代廉頗此與樂毅傳全誤當以樂乘置破卿秦上

秦滅東西周

案西字衍說在周紀

秦置太原郡

案事在燕喜八年此書于七年誤

秦王政初卽位

附案政當作正說在秦紀

燕使劇辛將擊趙

案事在十三年此誤書于十二年也

十九年秦拔趙之鄴九城

案此失書關與櫟陽說在始皇紀

使荆軻

案此二十八年事誤前一年

於姬姓獨後亡

案姬姓之國衛最後絕燕先滅矣何云後亡

管蔡世家第五

其長子曰伯邑考次曰武王發次曰管叔鮮次曰周公旦次曰
蔡叔度次曰曹叔振鐸次曰成叔武次曰霍叔處次曰康叔封
次曰冉季載

附案十人之次除伯邑考武王發其餘八人各處所說次第
既殊卽人名亦異左傳二十四年富辰以管蔡郕霍魯衛聃

曹爲序。詩思齋疏引皇甫謐以管蔡郕霍魯曹衛聃爲序。孔仲達謂史記世家其次不必如此。而不知謐何據。別于馬遷。富辰言曹在衛聃下。不以長幼爲次。則其弟無明文以政之。此仲達詩疏所論是也。經史問答主其說而申辨之曰。富辰之言似是錯舉。非有先後。如謂實有先後。則畢公在十亂之中。毛叔亦奉牧野明水之役。而均少于康叔聃季。萬不可信。况如富辰之序。是管蔡郕霍皆周公兄。阜馳之盟。魯衛均在。但聞蔡爭長于衛。何以不聞爭長于魯。是又了然者。全氏之辨。與孔疏相發。乃孔子左定四年疏。又謂富辰以長幼爲次。馬遷多辟謬。豈非矛盾。攷淮南子泰族云。周公誅管叔蔡叔。未可謂弟。又云。周公殺兄。齊俗云。周公放兄。蓋從富辰之言。賈逵杜預竝依富辰。故以蔡叔爲周公兄。楚語韋注亦云。管

蔡周公兄仲達遂據以爲說不自知其抵牾耳而淮南汜論
又云周公有殺弟之累齊俗云周公誅弟後書樊繆傳全褚少孫補
三王世家公尸滿意曰周公輔成王誅其兩弟趙岐注孟子
以周公爲管叔兄白虎通姓名章引詩傳以周公行在第三
管叔行在第四列女傳以管叔居周公下而以霍叔居成叔
上書金縢僞孔傳云周公攝政其弟管叔及蔡叔霍叔高誘
注呂子察微開春篇言管叔周公弟蔡叔周公兄而注淮南
汜論又言管叔周公兄蔡叔周公弟余謂諸說不全猶杜預
以曹叔與周公異母而數五叔有毛叔也王肅以毛爲然孟子
子淮南韓詩外傳八俱以管叔爲周公兄趙岐注與孟子本
之則從史似較合而以蔡叔霍先周公以霍叔先成叔皆不
足憑矣至若白虎通列女傳及四八目以成叔名處霍叔名

武竝誤猶杜氏誤以毛叔名聃也冉當作耳與聃同經史相承譌从冉故老聃亦譌聃白虎通作南季載音全通借

故文王舍伯邑考而以發爲太子

案徐氏測議曰伯邑考爲紂所殺未必文王有意廢立武王爲次弟其序亦及也方氏史注補正曰紂烹伯邑考雖不見

經傳見世紀但其後無封必早死無後檀弓文王舍伯邑考而

立武王乃子服伯子附會之言不足據也余謂史公于下文

云伯邑考其後不知所封蓋微弱久滅失傳爾不得臆斷其

無後不封而殷道太子死立弟說在殷紀文王當殷時行殷禮故

伯邑考死其子雖在舍之而立武王檀弓言舍伯邑考者省

文也左傳潘阝之黨申鮮虞之傅摯亦省去子字史謂文王

有意廢立似誤會檀弓之文方氏以爲子服附會亦非

於是封叔鮮於管封叔度于蔡二人相紂子武庚祿父

案言三監不及霍叔而類敘封霍于曹成之下疎矣

康叔封冉季載皆少未得封

案武王似已封康叔于衛說在周紀牧野之役康叔布茲不

可言少矣

殺管叔

案管叔非殺也說在周紀

從而分殷餘民爲二其一封微子於宋以續殷祀其一封康

叔爲衛君

案武王已封微子康叔非滅武庚後始封竝說見殷周二紀

蓋殷畿內千里紂之時去亳而都朝歌武王以殷舊都封微

子與武庚偕封而異域各不相涉別割紂都內之鄭以封武

解開

附案左傳曰周公舉之以爲己卿士杜注爲周公臣晚出尚

書云周公以爲卿士。此言仕魯。孔穎達司馬貞俱糾史之謬。但爲周公臣卽是仕魯。史似不誤。錢宮詹史記攷異辨之矣。餘五叔皆就國無爲天子吏者。索隱本開作封。

案此因左傳五叔無官之語而誤者也。左傳是泛說不專指管蔡叛後。故杜注五叔以管蔡成霍毛當之。杜以毛爲史直書于復封蔡仲之後。則不得有五叔矣。於情事未合。

子蔡伯荒立蔡伯荒卒子宮侯立

案蔡爲侯爵何以荒稱伯又證無宮竝說在世表

武侯卒

案武侯在位二十六年此缺

秦始得封爲列侯

附案封字當作列而列字當作諸。湖本誤也。

子宣侯措父立

案當作考父說見表

哀侯畱九歲死於楚凡立二十年卒

案楚世家言文王虜哀侯已而釋之則哀侯不死于楚也與此異詞莫知孰是

伐蔡蔡潰遂虜繆侯

案此在繆侯十九年而書于十八年與表全誤又春秋三傳無虜繆侯事恐妄

子景侯同立

附案景侯名固各本譌刻

二十九年

案四誤作二景侯在位四十九年也

陳司徒招弑其君哀公

案招弑悼太子非弑君也此誤

誘蔡靈侯於申伏甲飲之醉而殺之

案非醉而殺之也說在表

平王乃求蔡景侯少子廬立之是爲平侯

案平侯爲景侯曾孫其父爲隱太子說在年表又攷漢志於汝南新蔡縣注云平侯徙此雖不見經傳當必有據史不書疎已集解引宋忠謂蔡仲徙新蔡平侯徙下蔡誤甚蔡本都于上蔡平侯徙新蔡至昭侯遷州來乃下蔡也

靈侯般之孫東國攻平侯子而自立是爲悼侯

案平侯子者蔡侯朱也朱卽位一年奔楚不當從略但云平侯子且東國未嘗攻而殺之俱說在表

悼侯父曰隱太子友者靈侯之太子平侯立而殺隱太子故平侯卒而隱太子之子東國攻平侯子而代立是爲悼侯悼侯三年卒

案殺隱太子者楚靈王也立平侯者楚平王也平侯爲東國兄是亦隱太子之子何得妄加平侯以殺父之大逆乎平侯之太子朱出奔楚實緣楚費無極取貨東國之故亦不得言東國攻兄自立蓋史公誤以平侯爲景侯子遂別生異端造爲世代相攻之事而不知經傳所載甚明豈可誣哉悼侯止二年無三年說在表中隱太子之名左氏公羊春秋皆作有史從穀梁世本作友二字音全形近必非二名疑有一譌抑豈古人通借如曹世子首之爲手歟

弟昭侯甲立

案昭侯之名或作申或作甲皆與其祖全名說在表

朝楚昭王持美裘二獻其一於昭王而自衣其一楚相子常欲之不與子常譏蔡侯畱之楚三年蔡侯知之乃獻其裘於子常附案定三年左傳蔡侯爲兩佩兩裘此及表皆言裘而佩自在其中猶傳言獻佩于子常而裘卽在其中也左氏言佩公穀言裘亦互見之

蔡侯私於周襄弘以求長於衛衛使史鰌言康叔之功德

案召陵之會將長蔡于衛衛侯使祝佗私于襄宏此言蔡侯私宏求長非祝佗亦誤作史鰌蓋以二人俱字魚而誤

十六年楚令尹爲其民泣以謀蔡

案表書于十七年說見表

二十六年孔子如蔡楚昭王伐蔡蔡恐告急於吳吳爲蔡遠約

遷以自近易以相救昭湖本侯私許不與大夫計吳人來救蔡
因遷蔡於州來

案昭王伐蔡在二十五年孔子如蔡在二十七年蔡遷在二
十六年然攷哀元二兩年經傳及注楚圍蔡蔡聽命楚疆于
江汝之間而還楚既還蔡更叛請遷于吳中悔吳因聘蔡納
師蔡侯告大夫殺公子駟以說于吳言不時遷駟之爲遂遷
州來然則非蔡告急于吳也非吳欲遷蔡也非蔡侯私許不
與大夫計也非吳興師來救也

乃令賊利殺昭侯

案哀四年傳殺昭侯者公孫翩也孔子世家書之此利字誤
索隱以利爲賊名妄

後陳滅三十三年

案當作三十一年

伯邑考其後不知所封 管叔鮮作亂誅死無後

附案伯邑考之後失傳或謂早死無後恐非說已見上而廣韻云管姓管叔之後通志于管氏云管叔鮮子孫以國爲氏亦未可信

成叔武其後世無所見

案春秋隱五年衛師入鄆十年齊人鄭入入鄆莊八年師及齊師圍鄆鄆降于齊師文十二年鄆伯來奔皆有傳此則後世之略可見者特不知名諡年世耳

冉季載其後世無所見

案春秋隱九年天王使南季來聘文十四年左傳有貍斂是其後世之可見者

管蔡作亂無足載者然周武王崩成王少天下既疑賴同母之弟成叔冉季之屬十人爲輔拂

案管蔡有本作管叔非但十人中武王安得在輔拂之列伯邑考早死叔鮮叔度叔處或縊或廢止五人爾安得仍稱十人攷古編曰此十人者卽大誥之民獻十夫耶

曹叔世家

附案索隱本作曹叔振鐸世家諸世家無書名之例振鐸二字自不應有但史於列傳凡附見者不別題篇而此獨別出題非史公本文蓋小司馬增入也然管既無世何以名家自當以蔡曹標名乃史公反附曹于管蔡不亦乖乎索隱謂管曹非也小司馬補史口曹亦姬姓文昭春秋時頗稱彊國其後數十代豈可附管蔡亡國之末而沒其篇第自合析爲一

篇史詮曰史公謂管叔亂無足載者何以稱世家哉當更曰
蔡曹世家斯得其實矣

子太伯腓立

附案腓字譌寫作腓

子仲君平立仲君平卒子宮伯侯立

案平何以稱仲君而諡亦無宮俱說見世表

子惠伯兜立

案惠伯名多不全說見表

惠伯卒子石甫立其弟武殺之代立是爲繆公

案繆公已下改稱公不可曉說在表中其弟者石甫之弟也

曹詩譜疏引史石作碩

子桓公終生立

附案生字作渥說在周紀

四十六年宋華父督弑其君殤公

案事在四十七年

子莊公夕姑立

附案索隱云夕音亦卽射姑也攷釋文云或作亦人表作亦姑而春秋及史表竝作射姑曹詩譜疏引世家全此作夕者必夜字之譌脫猶功臣表深澤侯趙將夜漢表譌作夕也古射夜多通借春秋文六年經狐射姑穀梁作夜姑左昭二十五年申夜姑釋文或作射也

莊公卒子釐公夷立

案春秋有曹羈曹赤之文疑莫能明說在表

子宣公弼立

案三傳春秋及漢書人表宣公名廬即年表亦作廬

表從左傳作廬

古廬與盧通不聞名彊也况宣公之先有幽伯彊何容宣又

名彊其誤審矣

禮弓作桓公鄭注謚宣言桓聲之誤也釋文依注音桓為宣非

宣公十七年卒弟成公負芻立

案此與人表竝以成為宣弟而左成十三年注以負芻為宣

公庶子杜注是

成公三年晉厲公伐曹

案三當作二

子武公勝立

案勝字誤說在表

子平公頃立

附案平公名須此譌頃

九年悼公朝于宋宋囚之曹立其弟野是爲聲公悼公死於宋歸葬聲公五年平公弟通弑聲公代立是爲隱公隱公四年聲公弟露弑隱公代立是爲靖公

案此所說春秋皆無其事不知史公何據已辨在表

子伯陽立

案史誤以伯爲名說見表

伯陽三年國人有夢六年曹野人公孫彊

案此事不定在三年六年也亦說在表

旦求之曹無此人句夢者戒其子

附案湖本誤以夢者爲句

無懼曹禍

附案索隱本作離注云離卽懼也史詮曰湖本離作懼

乃乘軒者

附案史詮曰乃一本作及

陳杞世家第六

昔舜爲庶人時

案以舜爲庶人非說在五帝紀

姓媯氏

案帝舜姓姚至周封胡公乃賜姓爲媯史謂胡公之前已姓

媯不但乖舛無徵且與下文言及胡公周賜之姓相違反孔

仲達

見詩陳風及左

鄭漁仲

見通志

皆辨其誤矣王莽傳載

莽言虞帝之先受姓曰姚其在陶唐曰媯在周曰陳尤屬妄

說豈緣史誤而增飾之歟

至于周武王克殷紂乃復求舜後得媯滿封之於陳

案襄廿五傳子產曰。虞闕父爲周陶正。以服事我先王。我先王庸以元女大姬配胡公。而封諸陳。則非求而得之矣。胡公是闕父之子。唐書世系表。謂武王以元女妻遏父。生胡公。妄也。又大戴禮少間篇。謂禹受命。乃遷邑姚姓于陳。下文索隱引宋忠。謂湯封虞。遂于陳。然則胡公其續封歟。恐未可信。弟相公臯羊立。

案相或作柏。說見表。

幽公十二年。周厲王奔於彘。

案事在十三年。

子釐公孝立。

案釐之曾祖爲孝公。而名孝何也。

釐公六年。周宣王卽位。

案六當作五

子夷公說立是歲周幽王卽位

案夷公立于幽王二年此誤

弟平公變立

附案詩陳風譜疏引世家名姁與今本異豈平公有二名後人因見年表作變遂改之歟

文公元年取蔡佗女生子佗

案文不取于蔡佗母未聞說見後

衛殺其君州吁

案州吁弑君之賊也而書曰其君背于春秋書名之義矣

三十八年正月甲戌己丑陳桓公鮑卒桓公病而亂作國人

分散故再赴

案此史公仍桓五年左傳文其實非也既改陳侯鮑爲桓公

鮑則陳字宜刪

索隱本無陳字是

杜注云甲戌前年十二月二十一日己丑此年正月六日赴雖日異而皆以正月起文故但書

正月孔疏云赴者竝言正月故兩書其日而其言正月設令兩以月赴則當于四年云十二月甲戌陳侯鮑卒五年正月己丑陳侯鮑卒但赴者共言正月之說臆解難通而再赴亦斷無是理陳果再赴夫子卽應審定其實決不傳疑以惑後世况國值變亂之際更奚暇競遣使赴告公穀又謂狂而出故以二日包之夫君雖病狂爲臣子者寧有任聽出走至昧其死日乎蓋甲戌己丑之間魯舊史有關文如夏五之類夫子因而不革慎之也

先儒亦有言是關文者然俱以爲筆削後之脫簡似未合而杜據長

歷所推月日亦不能無誤大事表中朔閏表敘云桓四年冬

常有閏十二月甲戌實是正月二十一日而已丑則二月七日經書正月甲戌不誤第甲戌之下有闕文己丑之上併脫二月兩字耳傳不知而誤以爲再赴杜不知而誤以今年之日屬之前年由失不置閏故也

桓公弟佗其母蔡女故蔡人爲佗殺五父及桓公太子免而立佗是爲厲公厲公取蔡女蔡女與蔡人亂厲公數如蔡淫七年厲公所殺桓公太子免之三弟長曰躍中曰林少曰杵臼共令蔡人誘厲公以好女與蔡人共殺厲公而立躍是爲利公利公者桓公子也利公立五月卒立中弟林是爲莊公

案年表云陳文公生桓公鮑厲公他他母蔡女桓公三十八年卒弟他殺太子免代立厲公他七年公淫蔡蔡殺公田完世家云陳完者陳厲公佗之子也厲公者陳文公少子也其

母蔡女。文公卒，厲公兄鮑立，是爲桓公。桓公與佗異母。及桓公病，蔡人爲佗殺桓公鮑，及太子免而立佗爲厲公。厲公旣立，取蔡女。蔡女淫于蔡人數歸，厲公亦數如蔡。桓公之少子林怨厲公殺其父與兄，乃令蔡人誘厲公而殺之。林自立，是爲莊公。凡此皆史之大誤也。攷春秋經傳，厲公名躍，桓公之子。桓公取蔡女生厲公，故厲公母爲蔡女。若他乃文公子，與鮑桓公弟，卽五父也。他因桓公疾殺太子免代立，而厲公蔡出。蔡人因殺佗立厲公。厲公在位七年卒，弟莊公林立。莊公卒，弟宣公杵臼立。佗篡立踰年無諡，不成爲君，絕之焉爾。乃史以厲公爲文公子，則與公羊桓十二年傳注以厲公爲佗子何異？誤一。人表以厲公爲桓公弟，亦仍史誤。以陳佗爲厲公，誤二。以厲公母蔡女爲佗之母，誤三。分佗與五父爲兩人，誤四。佗自殺免。

於蔡何涉。謂蔡人爲佗殺之。誤五。佗但殺免。不殺桓公。謂佗殺桓公。鮑誤六。蔡人殺佗。卽在桓卒之明年。謂佗立七年見殺。誤七。取蔡女者桓公。左傳言厲公蔡出可據。莊二謂厲公佗取蔡女。猶上文稱文公取蔡女。誤八。陳佗淫蔡公穀二家之說。而傳會其事。謂厲公淫蔡。遂誘以好女而殺之。誤九。蔡自殺佗。於太子免之三弟亦復無干。謂三弟共令蔡誘殺佗。誤十。此言三弟以林爲中子。而田完世家言少子林。不及躍與杵臼。誤十一年。表田完世家皆無利公。而此別出利公。躍妄分厲公躍爲兩人。誤十二。左傳疏曰。世本無利公。陳佗踰年死。厲公躍七年卒。今旣以佗爲厲公。在位七年。便稱利公。躍立五月而卒。誤十三。索隱及毛詩陳風左傳二疏雖俱糾其謬。然不甚詳核。余故綜而辨之。古利國通用論語利其器。漢書梅福傳作厲其器。左傳文七年利兵。

亦卽厲兵也

厲公二年生子敬仲完

案完未定生于是年說在表

宣公後有嬖姬生子款欲立之乃殺其太子禦寇

案傳無嬖款之事豈別有所據乎

齊懿仲

案左傳作懿氏杜注陳夫人此云仲誤云齊九誤當作懿氏而改齊字爲初字方合蓋此追書前事也

靈公太子午奔晉徵舒自立爲陳侯

古史曰太子未嘗奔晉徵舒未嘗爲君蓋楚入陳然後陳侯奔晉耳時陳侯在晉非奔晉也經史問答曰史記夏氏弑君自立成公

以太子奔晉楚人迎而立之而不見于左傳是史之誣也夏

氏未嘗自立成公已豫辰陵之盟何嘗以太子出奔乎使夏氏自立則辰陵之盟孔子豈肯書爲陳侯可不辨而明已

二十八年楚莊王卒

疏證曰年表陳成公八年楚莊王薨此衍二十兩字

三十四年

案四當作五

初哀公娶鄭長姬生悼太子師少姬生偃

索隱曰昭八年經陳侯之弟招殺陳世子偃師左傳哀公元妃鄭姬生悼太子偃師此云兩姬又分偃師爲二人恐非

哀公怒欲誅招招發兵圍守哀公哀公自經殺

案哀公之縊因招殺太子憂恚自殺恐無圍守之事

楚靈王聞陳亂乃殺陳使者

附案使者爲干微師索隱謂卽司徒招謬甚

使弃疾爲陳公

案左傳爲陳公者竄封成也弃疾爲蔡公此誤

太子之子名吳出奔晉

案吳恐無奔晉之事傳曰楚公子弃疾奉孫吳圍陳則未嘗奔晉矣

乃求故陳悼太子師之子吳立爲陳侯

案吳非行遜不必言求師上當補偃字

七年陳火

附案七乃十之誤

懷公元年吳破楚在郢召陳侯陳侯欲往大夫曰吳新得意楚王雖亡與陳有故不可倍懷公乃以疾謝吳四年吳復召懷公

懷公恐如吳吳怒其前不往畱之因卒吳

案懷公元年四字衍大夫數語與逢滑之對不合以疾謝吳

與以晉辭亦不合哀元年傳云吳之入楚也杜注在召陳懷

公因逢滑之言以晉辭吳則安得有如吳被畱而死之事且

魯定四年爲陳惠公二十八年又安得書于懷公四年乎年

表謂如吳畱死全誤而此誤尤甚蓋復召之說鑿空無據而

惠公卒于定四年二月吳入楚是十一月召懷公在入楚後

當十二月懷雖嗣位尚未踰年改元則以吳之初召爲懷元

年妄矣吳止一召陳侯陳侯未嘗往吳兩言而決

陳乃立懷公之子越是爲滑公

附案索隱云左傳滑公名周是史官記不全也而左傳無滑

公名周之文孟子有之小司馬誤孟子曰主司城貞子爲陳

侯周臣趙岐注陳侯周陳懷公子蓋潁公名越又名周也或以周臣二字連讀非

潁公六年孔子適陳

案六年當作七年說在表

吳王夫差伐陳取三邑而去

案史記謂吳上當有八年二字是也但攷哀元年春秋經傳及年表皆不言取三邑疑此與孔子世家全誤

時孔子在陳

案此謂潁公十三年也攷孔子至陳凡經五年其二次始則

在定十五年當陳潁七年至哀二年而去當潁九年繼卽在哀二年至

四年而去當潁十一年孔子世家甚明金氏前編薛氏甲子會記謂

孔子三至陳者俱謬而其謬亦有自來陳世家言潁公六年

孔子適陳

當定十四

十三年孔子在陳

當哀十六

亦猶年表及衛世家

謂衛出公八年

當哀十四

孔子自陳入衛也而不知均屬誤書定

公十四年孔子在衛尚未適陳哀公六年孔子自楚返衛久

已去陳哀公十年孔子猶居衛安得如年表陳衛世家之說

索隱未究其誤妄疑孔子在陳何以有八年之久前編亦未

究其誤反據陳世家以駁孔子世家皆非也

十六年吳王夫差伐齊敗之艾陵使人召陳侯陳侯恐如吳

案艾陵之戰在陳湣十八年非十六年也是時陳已服吳何

煩再召蓋又因吳召懷公事而誤

二十四年楚惠王復國以兵北伐殺陳湣公遂滅陳而有之是

歲孔子卒

案楚惠復國及孔子之卒皆在湣公二十三年此誤

周武王克殷紂求禹之後得東樓公封之於杞

案杞乃湯封之非周武王始封也下文言武王封杞並非說在夏紀

東樓公生西樓公西樓公生題公題公生謀娶公

附案陳氏測議謂東樓西樓或所居地名題謀娶或名字當是也人表題公東樓子無西樓公蓋誤脫爾集解徐廣曰謀一作謨而索隱本云注一作譟音牒未知孰是索隱以東樓公爲謨號非

謀娶公當周厲王時謀娶公生武公武公立四十七年卒

案周有天下至厲王流彘二百八十餘年而杞以四世當之必無此理春秋僖廿三年書杞成公卒逆而推之武公卒于魯桓八年立于平王廿一年自厲王流彘後至平王二十年尚有三十四年則杞之四君必每君在位百餘年方能相及

其可信乎。是知杞之代系必有脫誤也。竹書于厲王二十四年書杞武公薨。

子德公立

案集解索隱引世本及譙周竝作惠公。則德公非也。

德公十八年卒。弟桓公姑容立。

案注引世本曰。惠公生成公桓公。成公立十八年。攷春秋僖二十三年。書杞子卒。左氏以爲成公。則推而上之。至僖五年。春秋書杞伯姬來朝其子。適合十八年。是成公者伯姬之子。而娶伯姬者惠公也。索隱誤。故攷之。世家既誤脫成公一代。而又以桓爲德公弟。并謚號亦不全。故知世家于小國尤多疎舛。

桓公十七年卒

案春秋經傳成公以僖二十三年卒。是桓公以僖二十四年卽位。至襄六年桓公卒。則桓公在位七十年。孔疏謂七十一年。蓋自成公卒。

年數此作十七仍世本之誤自古諸侯享國之久未有如杞桓公者也

弟文公益姑立

案文公父名姑容子何以名益姑豈杞卽于夷如楚君名熊之比乎

弟平公鬱立

附案春秋左穀作郁釐

昭二史從公羊作鬱索隱曰一作郁

釐譙周云名鬱來蓋鬱郁音近釐來字通

索隱本引譙而釐來爲聲之餘如樂祁爲樂祁犁之類

見左昭廿七

隱公弟遂

附案春秋哀八年僖公名過孔疏引世家全則遂字是今本之譌人表以僖公爲隱公子世族譜以僖公爲悼公會孫竝

誤隱公不見於春秋

湣公十五年楚惠王滅陳

案春秋楚惠王十一年滅陳當陳湣公二十四年魯哀公十七年乃杞湣公之九年也此作十五年誤

是爲哀公

附案索隱引譙周云諡懿

湣公子款立

附案徐廣云一作速疑此公名邀也

杞後陳亡三十四年

案杞滅于楚惠王四十四年陳滅于楚惠十一年故云杞後陳亡三十四年但陳滅之歲爲杞湣九年此言湣公十六年哀公十年出公十二年簡公一年滅自湣十年至滅凡三十

載則杞君之年必有誤或謂簡公在位四年非一年也

杞小微其事不足稱述

案杞雖微小其事略不著然春秋經傳所書遷都及討伐盟會之事頗可紀錄何云不足稱述乎王氏士禎分廿餘話卷四言張杞園貞居杞城作杞紀十八卷體大思精然非爲杞而作乃安邱縣之志乘耳

阜陶之後或封英六

附案索隱謂本或作蓼六非也英卽春秋僖十七年所稱英氏路史云六分爲英是已此世家索隱及夏本紀黥布傳正義言英後改蓼謬甚已辨在十二侯表其詳見後

伯夷之後至周武王復封於齊

附案史公作齊世家四岳爲其祖而此與鄭世家以齊爲伯

夷後則是齊有二祖矣。然史仍國語來。周語富辰曰。齊許申
呂由太姜。太子晉云。胙四岳國。命爲侯伯。賜姓曰姜。氏曰有
呂。申呂雖衰。齊許猶在。鄭語史伯曰。姜伯夷之後。伯夷能禮
于神。以佐堯者。一以爲四岳。一以爲伯夷。不應出一人手而
錯互至此。閻氏尚書疏證四云。言四岳者是。觀太公望稱呂
尚。子丁公稱呂伋。系出四岳明甚。韋昭注伯夷四岳之族。詎
便爲一人。且伯夷與舜三禮。未聞佐堯。已明與書悖。他尚足
信哉。余謂帝咨四岳。僉舉伯夷。自非一人。而齊竝稱爲祖者。
以全爲炎帝之後。猶秦趙全祖之比。不得硬斷其誤。况四岳
乃官名。人得爲之。安知作秩宗之伯夷。不又爲四岳之官。譙
周云。伯夷掌四岳。齊世家索隱引必非無據。路史後紀以伯夷生太岳非而其爲
秩宗也。似舜仍其舊職。命之未是改官。觀稷契諸人。非新命

可見何得斥佐堯為悖乎

呂刑曰伯夷降典折民惟刑又曰伯夷播刑之迪是伯夷當為刑官

大戴禮諸志引虞史伯夷之語則又書為史官復何疑其為四岳乎

伯翳之後周平王時封為秦

案史公稱秦燒書獨秦記不滅故其據以紀秦者元無所誤秦紀稱秦之先顓頊裔孫女修生大業大業生大費是為伯翳其言甚晰女修乃高陽之裔女而適少昊之後大業之父大業父不著伯翳即伯益為大業子故秦風疏曰伯翳伯益聲轉字異猶一人也漢地理志注曰柏益一號伯翳蓋翳益聲相近後書蔡邕傳注曰伯翳即伯益也而謂之大費者益封于費竹書費侯伯益出就國是已

詩疏以大費為名路史云世更以爲字皆非

乃史公于此言伯翳後為秦下文復言益後不知所封析為二人明屬謬謬而劉秀即校山海經表仍其說以益與伯翳

爲二羅泌遂以益爲帝高陽之第二子賡伯翳爲少昊之

後皐陶子豈不悖哉伯益之爲伯翳亦如皐陶之爲咎繇今

以皐陶與咎繇爲二人可乎又易井卦釋文引世本伯益作

化益亦見呂子求人漢書律歷志今更以伯益化益爲二人可乎漢書百

官表益作翳字類作翳今又可爲別一人乎秦紀所謂大費輔禹

平水土卽尚書暨益奏庶鮮食者也所謂調馴鳥獸卽書益

作朕虞孟子益焚山澤者也豈異人任歟且虞廷果別有功

績奇偉之伯翳則駕熊虎而參禹益奚獨滅沒焉不見于經

斯可知其妄矣然則羅泌何以斷益之爲賡數曰此泌信鄭

道元之過也水經洛水注載晉永平惠帝元年九山百蟲將

軍顯靈碑云將軍姓伊氏諱益字賡帝高陽之第二子伯

益也鑿空附會無異齊東野語詎得依之然則泌何以斷伯

翳爲皐陶之子。曰此又必信。劉向鄭康成諸人之過也。詩秦

風疏引列女傳云。皐子生五歲而佐禹。曹大家注。皐子皐陶

之子伯益。史正義引作陶子。田學紀聞六引作皐子。與皐全。李邕爲李思訓碑云。皐子贊禹。甘生相秦。秦

詩譜云。伯翳實皐陶之子。潛夫論志氏姓。高誘呂氏春秋當

梁注。陸德明孔穎達邢昺書詩左傳論語釋文義疏。唐書宗

室宰相世系表。鄭樵通志略。均以皐益爲父子。夫虞朝五臣

並列。夏代皐益全官。寧有父子之分。又夏紀云。皐陶卒。封其

後于英六。而后舉益授之政。使益果皐子。則皐陶之後卽益

也。胡爲封其後于英六而復舉益耶。又皐子尚賢篇云。禹舉

益于陰方之中。使益是皐子。尚煩待舉陰方乎。又竹書載伯

益薨在夏啟六年。則伯益最壽。路史謂年過二百。洵如斯言。

益初佐禹之時。年已百餘。而列女傳以爲五歲。迂誕極矣。然

則皋益之父爲誰。曰皋益全族而異支。皋之父微不著。後書
馮衍傳言皋陶釣雷澤。賴舜而後親。則其式微可知。路史後
紀注引季代歷云。少昊四世孫。四世亦妄。伯益之父。但傳大
業而已。其輩行世次。俱不可審。而孔穎達張守節以大業爲
皋陶生。伯益。路史以大業爲皋陶父。唐表或以大業爲皋陶
祖。或以大業爲皋陶曾祖。何錯戾若是。史公固無是言也。然
則皋益宜何祖。曰祖少昊氏。國語史伯告鄭桓公云。嬴伯翳
之後。韋注伯翳舜庾官。少皞之後。伯益。路史發揮云。伯翳嬴
姓之祖。書傳嬴姓出少昊。其源甚著。史公亦竝無皋益祖顓
頊之語。自漢地理志言柏益出顓頊。而孔穎達邢昺及唐表
從之。唐表并以顓頊爲嬴姓尤謬。索隱路史遂深譏秦趙祖母族。非生人
之義。夫秦趙何曾以母族爲祖哉。世儒誣之爾。而皇甫謐之

謬尤甚。路史嘗論之曰：班固之徒，以女修爲男子而系之高陽後。至世紀直以高陽生大業，以大業妻女華爲大業之子，而別出女華之妻名扶始生皐陶。皐陶生伯益，唐書取而用之。宗室表此春秋元命苞之說，不足實也。唐表宰相裴氏世系云：額頊裔孫大業生女華，女華生大費，大費生皐陶。皐陶生伯益，所說又別其妄尤甚。然則秦于皐益宜何祖？曰：祖伯益。舜賜伯益嬴姓，不賜皐陶。秦爲嬴姓，始自伯益，故以伯益爲首。詩葉用皐陶乃偃姓，當爲英六諸國之祖。秦與皐陶無涉。詩疏引中候苗興云：皐陶之苗爲秦。通志略云：秦起于皐陶，俱非也。然則左傳楚滅六，蓼何以滅？文仲有皐陶庭，堅不祀之歎，曰：六爲皐陶後，偃姓。蓼爲庭堅後，姬姓。皐陶出少昊，庭堅出高陽。羅泌父子言之頗詳，惟以英六爲嬴姓，非自世儒妄以皐益出顓頊，而漢書人表載高陽之才子八愷。

直以臯陶易庭堅。于是異辭紛出。潛夫論志氏姓云。高陽氏之八愷。後嗣有臯陶。蓼六英皆臯陶後。易林需之大畜云。龍降庭堅。爲陶叔後。高誘淮南汜論注。謂蓼爲偃姓侯國。臯陶之後。與夏紀以許爲臯陶後全妄。康成注論語。以庭堅爲臯陶號。見左文十八疏。杜注左傳。依楚世家。以六蓼皆臯陶後。以庭堅爲臯陶字。杜本。班固表用之。魏書高允傳。以英蓼爲臯陶後。俱非也。蓋庭堅若卽臯陶。文仲不應連言之。而唐虞之時。人以名稱。未必有字。卽或有字。亦無緣臯陶之字獨傳。陸粲左傳附注。以庭堅爲臯陶子。若孫。謂蓼六二國皆臯陶後。庭堅以東子別封。此說亦非。水經注水注以蓼爲臯陶封邑。泚水注以六爲禹封其少子。陸說本之。明傅遜左傳注。解辨誤曰。庭堅既臯陶子。若孫。則在堯舜後矣。八凱中何得有庭堅。庭堅爲八凱之一。必非臯陶。亦非其後。傅氏之辨是。

杜注八元八愷以禹益皋陶稷契之倫妄相配合本不足信
文仲竝舉二國之祖豈可合兩異姓爲一人而所云不祀忽
諸者傷楚薦食上國先聖之祀遂廢若成季宣孟忠勲無後
之意非謂其後盡絕也羅泌謂左氏之妄志不然皋陶之後猶有舒蓼
宣八年始滅在文公五年滅六蓼後路史注云皋陶後舒蓼
偃姓與蓼既自二國而舒又自一國黃帝之後任姓杜預誤
復封俱蓼爲二國孔疏以爲蓼滅舒庸年滅十七舒鳩襄二十
何遽歎其不祀若依庭堅卽皋陶皋陶爲益父之說則秦方
盛于西徐延于東趙基于晉更不當言不祀余因史記而類
辨之如此

垂益夔龍其後不知所封不見也

案左傳后夔之子伯封爲羿所滅夔是以不祀則固有封國
矣蓋夔與垂龍皆以名爲國其後垂地屬于衛春秋隱八年

遇于垂是也。夔地屬楚。熊摯所封。僖廿六年滅者是也。龍地屬魯。成二年齊圍龍是也。益字當衍。

右十一人者

案當作十人

故弗采著於傳上

附錄考證張氏曰。上當是云字之譌。

其後越王句踐興

案句踐非禹後。說在越世家。

史記志疑卷十九終